

烏青鎮志卷三十五

清烏鎮同知董世寧原修

里 人盧學溥續修

釋老

唐 如縱

德會

抱玉

如訥

宋 楚文

晉水

車溪

遵式

性空

若觀

行昭

崧

烏青鎮志

卷三十五

釋老

一

湛

祝道誠

元 原妙

明 弘道

若愚

淨能

清 淨侶

周爛鼻

行淳

行彌 以下
至達德 新纂

元盛

超時

元慈

慶雲

蓮堂

篆玉

達德 以上
釋

元 趙宗道

明 朱敬眞

朱永輝

潘爛頭

姚西巖 朱涵臺 沈如

清 高自昇 以上 道

浮屠老子君子辭而闢之無如儒門淡泊標高揭已之士往往遁入彼教若鎮之高僧如縱羽士趙宗道輩其最著者也志釋老

唐

如縱者鹽官悟空禪師法嗣咸通初遊方至鎮見賢德寺 密 卽

印 寺 荒廢歎曰惜哉古之遺跡也不以吾興則終于湮沒矣

遂葺而新之不期年殿堂房宇翕然修復四方杖錫而來

烏青鎮志

卷三十五 釋老

二

問道者不下數千人薊州郡守穆公請寺額于朝勅賜悟空禪院乾符六年夏無疾而逝縱實悟空禪院之開山僧

也 李 志

德會禪師繼縱公住密印丙辰江淮大旱本寺復遭賊軍張雄燒劫殆盡會亦遇難初賊之至也侍人曰賊將近矣宜遠逃會曰命可逃乎臨大難而苟免識者羞之少頃賊至緇徒駭散惟會端居丈室怡然不動賊見而叱曰人耶杌耶何不見禮于我耶會曰莎雞之羽不作以動大鵬之翼也賊怒而刃之白乳流地賊退行欽等四人復其寺求居民以完之會卽無著文喜大師之法嗣也 密 卽 通 考

吳興僧抱玉族姓唐母梅氏孕協靈祥惡童穢十歲卽思佛
乘遂于法華寺出家誦蓮經三月通貫年二十詣京受戒
肅宗夢吳僧誦法華口出五色光玉召試果然帝大悅賜
名大光封天下上座居京三年以慈親在吳上表乞歸報
恩刺史顏防爲築庵于烏鎮號曰光明蓮社士庶皈依者

千數

李志

李志云事載吳興掌故按之止載李紳大光大師碑中有云初勅住千福寺後居藍田精舍再住資聖寺有詔許還既止烏程于永貞元年十二月示滅于法華寺之經院是月告刺史顏防曰去矣初未有築庵烏鎮號光明蓮社之說也且所云蓮社者疑自宋高宗書以賜臣張掄而明宣德九老始擬此以爲八景之一蓋宋指普靜寺豈臨川所云又別有其地耶

烏青鎮志

卷三十五

釋老

三

伏虎禪師普靜寺其家山也曾齋平江承天寺羅漢降靈光

勝蹟甲昂諸刹

趙桓寺記

西吳里語禪師名如訥中和間辭師出遊師曰逢道卽止經吳興道場山山故多虎訥策筇直上坐盤石虎伏其側結庵居之名其處曰伏虎巖

宋

楚文禪師壽聖塔院僧南岳十二世保寧仁勇禪師法嗣也
服勤佛法洞明旨趣學徒參請無虛日僧俗受戒者殆千
人一日沐浴辭眾談笑而逝月餘闍維之得五色舍利千

餘顆

李志

晉水名淨源字伯長姓楊氏密印寺僧慶厯間衍法華寶典

天雨花至高麗國花瓣刺晉水二字高麗國王子爲僧曰
統義天航海而來問法于師并貢花朝廷遣侍講楊傑館
伴其花詔藏寺中特起閣貯之至今名曰寶閣師合華嚴
證聖正元二疏爲一以便觀覽製華嚴楞嚴圓覺二懺法
及法華集義通要十四卷又疏解仁王般若等經元祐三
年冬示寂茶毗得舍利無數先世泉之晉水人故學者以

晉水稱之

文獻

車溪法師熙寧中自上天竺舉住持嘉興郡青鎮廣福教寺
以講業授弟子盈三千指大觀二年示寂作塔芙蓉浦上

周仁榮天台教寺記

烏青鎮志

卷三十五

釋老

四

遵式字師道出長洲之顧氏熙寧間湖州烏墩鎮改壽聖教
院爲禪刹太守唐垌請師開山住持時錢塘契嵩長老爲
禪家祖圖別其宗派吳僧子昉作止訛論力詆之師曰禪
講二門皆佛所建宗旨雖殊其揆一也乃作解謗說一篇
闢其謬妄眾疑冰釋少保李公端慤錫以紫衣留後張公
敦禮奏賜圓義之號師于教義洞徹疏僧肇論四卷解杜
順法界觀爲摭要記四卷以彌勒佛所頌金剛經爲助深
記三卷注證道歌一卷及三會語錄二卷並傳于世今之

談肇論者以師爲指南云

鄭績圓義禪師塔銘

性空漢州人

嘉興府志華亭鄉人

久依死心獲證乃抵秀水結茅青龍

之野吹鐵笛自娛建炎初徐明叛道經烏青鎮肆殺戮民
多逃亡師獨荷策而往賊疑必詭伏者問其來曰吾禪者
欲抵密印寺賊怒欲斬之師曰大丈夫要頭便斫取奚怒
爲乃索筆自作祭文訖大呼斬斬賊駭異稽首謝過令衛
而出廬舍免焚後奉靈骨舍利建塔于青龍

文獻

若觀姓錢居烏鎮四方欽之後坐逝茶毗值日輪當午舍利

迸出光瑩奪目

烏程高志

行昭紹興初出家密印寺謂唐僧三果嘗靜夜擊鐘墮鬼趣
者聞之皆脫苦念自睦寇以來罹兵火死者眾非萬觔之
鐘震雷霆之聲不能警昏夢于是募緣鑄之三鑄不就乃

烏青鎮志

卷三十五

釋老

五

易地再鑄萬人環繞金將躍冶昭誓曰若無成吾委身爐
中矣鐘果成比隣張氏啟戶觀鑄見金甲神長數丈環衛

鑄所

桐鄉縣志

李志鐘成俄大雨霽霏昭大驚冶工曰火氣盛非雨殺其
力則不能遠震此上帝加祐上人願力也昭又念鐘成非
高樓不可乃易產舉逋得二千緡不能
當樓費十之一多方營構而樓始成

崧佛日寶閣寺僧精修戒行孝宗朝祈禱數驗詔賜金欄袈

裟

分署紀事本末

百城煙水崧字鑑義崇寧間曾開演
華嚴疏鈔于吳中卧龍街之報恩寺

湛法師繼車溪居天台教寺持法華經多殊勝事嘉定間寶

文閣待制陳公杞以事聞于朝賜田給柴蕩法教大振

李志

祝道誠烏鎮慶善庵道人操履清修發心弘濟常募緣以濟
飢寒救病患捨衣棺殯骸骨歲無虛日兩浙漕運使方務
德奏其功行于朝孝宗初度爲僧賜慶善庵額曰利濟院
紹定元年春結草龕以坐化進士顧元龍爲之記
同上

元
原妙號高峯俗姓徐幼嗜趺坐稍長從密印寺老宿法住出
家繼入淨慈參斷橋倫令究生從何來死從何去時雪巖
欽寓北礪塔往扣之方問訊卽打出一日欽忽問阿誰與
你拖個死屍來聲未絕卽打屢問如是後覩五祖像贊云
百年三萬六千朝反覆元來是這漢忽然打破拖死屍句

烏青鎮志

卷三十五

釋老

六

自是當機不遜咸淳二年冬入龍鬚山卧薪飯松越五載
中夜推枕墮地有聲廓然大悟會積雪數日人謂師死矣
雪霽晏坐如初十年遷武康雙髻峯德祐丙子春元兵大
至師絕食兼旬危坐不動事定戶履紛集己卯春避入西
天目之師子巖卽石洞營小室丈許榜曰死關并日一食
洞梯山以升弟子罕面會欽寄竹篋子法語瓣香拈出道
望日隆遠方問道者踵接元貞乙未臘朔書偈泊然而逝
世壽五十八僧臘四十三皇慶戊午贈高峯和尚號廣濟

禪師

禪燈錄

松陵獻集師行履孤高機鋒險峻
屹爲宗門砥柱其語錄盛行于今

按明本號中峯仁宗賜號廣慧禪師文宗賜謚智覺斷崖
名祥六字天達至正末賜號佛慧圓明大禪師俱參高峯
得度者今密印寺有三祖堂懸三祖遺風額
雖未禪棲戍上實高峯一燈也因并及之

明

弘道

府縣志
誤道弘

字竺

李志
誤竹

隱號存翁吳江人俗姓沈母徐氏嘗

有梵僧過其居曰此當出名僧後生師讀書日數千言法

華等經歷耳成誦年十三

松陵文獻
作年十九

禮密印寺雲屋慈爲

師聞雷峯魯山文講授有規矩往從之遊已謁我庵于上

天竺我庵示以剖味教觀權實之旨有深省洪武初退而

築室于澄源溪上十年奉旨箋註楞伽等經御製竺隱說

賜之後被召入京爲僧錄司左善世二十四年春告老上

烏青鎮志

卷三十五

釋老

七

優許之明年秋跣趺而逝世壽七十八僧臘五十九孝慈

皇后崩岐陽王請師作佛事于靈谷師開示鬼神感天燈

數千炬照耀林表上爲征南陣亡將士設廣薦法會駕親

臨靈光若虹霓五色雲冠鍾山頂師入滅後停龕五日如

生閣維煙焰作蓮花香燼餘舍利無算塔于天竺雙檜峯

文獻

若愚字極蒙號鐵庵洪武間寶閣寺僧儒書釋典洞明旨趣

嘗于靜夜演說妙理天燈羣集人咸驚異機鋒徑捷隨扣

而應一時禪學咸尊禮之永樂庚辰夏辭眾跣逝

嘉興府志

淨能烏鎮普靜寺僧能念金剛神咒常有漁人張網捕魚魚

滿網能爲咒之皆解脫去連舉數網連咒盡然漁人感悟

遂祝髮爲僧

永樂大典

清

淨侶字伴我德清人俗姓張父廷煥以孝廉爲別駕生師于官舍及長補博士弟子而性喜浮屠家言願爲佛弟子父強娶之妻已而舉子未幾父母相繼謝世竟棄家往徑山雪嶠問法又往弁山瑞白參省稱入室弟子此崇禎季年事也會歲凶太守陸自巖請主賑事全活甚眾順治初來青墩主密印席時盜賊未靖動與談因果利害神道設教而俗以漸化隨機設法遠邇傾心

文獻

烏青鎮志

卷三十五

釋老

八

周爛鼻者烏鎮圓義庵僧也性嗜酒不拘細行少時曾入妓館因爛其鼻人稱之終其身云後痛自悔恨願受戒作佛弟子爲人伉直無一語欺人人亦以此信之見大殿傾圮擊柝募葺爭以其廉潔不私施捨甚眾期年工竣顧雖有功釋氏而酒終不能戒也無日不飲遇飲輒醉常入肆據鑪頭按拍高歌環而聽者竊掩口笑卒不顧又或于街市中徐步而行唱大江東去兒童拍手嬉笑隨者數十人亦傲然不屑意也里中正法禪師

俗名唐元竝

雅重之曰此再來

羅漢未可輕議而浮沉于世年已七十餘矣忽一日欲柬招常所往來者百餘人尅期回首其徒不從曰是難得于

善知識者師豈能至是耶數強之不得已果召眾客客笑曰周爛鼻亦坐化耶至期羣集周相見如平日時卓午沐浴更衣焚香于殿閣廊房遍禮諸佛畢迴至正殿取萬年藤椅于佛前南向趺坐舉手與眾客作別諦視之果目瞑矣眾方驚訝作禮稱讚歎息忽大聲高呼曰厨中尚有燒肉一器可將來喫完了去侍者進肉恣意啖盡箸未釋手

溘然而逝

天香閣文集
以上董志

行淳字美法福建延津人年二十棄妻子薙髮首參壽昌和尚後參報恩玉老人爲入室弟子繼主天目康熙十五年請住青鎮壽聖塔院一時緇流輻輳師有偈云欣來古戍

烏青鎮志

卷三十五

釋老

九

看明月掩室名藍正法輪明年元旦又說偈云今年正月元旦日古戍深村吹玉笛無音古曲許誰賡雨過青溪春水碧有人若問少林宗雪霽寒梅香撲鼻提唱鉗錘得法者五十餘人先是有行彌字芥子者爲林野入室弟子嘗

主是席其道風與行淳相埒

文獻
以下新纂
以

元盛字慰弘貢生沈槎子嘗山行遇虎露坐樹下聞樹杪若有聲曰此禪師也虎顧視跳躑而去由是決志出家初參報恩大覺師繼至佛日參本哲師隨侍巾鉢至天童始受記荊學使程汝璞參知許弘勳慕之請開法佛日道席森嚴玄風遠播詩學得其家傳爲婁東吳偉業所重題其卷

曰杼山詩鉢因自號杼山

同上

超時

原名元時

字聖宣烏鎮前姚村人族姓花十二歲禮吳江華

嚴寺鈴語爲師參平陽弘覺老人有省傳法于虎丘佛智

禪師主雲巖寺方丈康熙二十三年冬駕幸虎丘時領大

眾迎接上問時云是宗是教時云是宗上云如何是宗時

云臣今日親見陛下上曰是臨濟是曹洞時云是臨濟刊

有御問機緣行世尤精戒律築精舍于吳江之同里名曰

拈花庵有禪餘集行世

同上

元慈字柯菴俗姓王四明人父遷居烏戍師襁褓中茹素稚

歲慕出塵投利濟寺僧育生爲弟子二十受具鄧尉剖石

烏青鎮志

卷三十五

釋老

十

初參雲門元潔令看三不是有省後參天童山曉一見水

乳執侍六載許爲入室遂印可住洞庭包山顯慶禪寺遠

近傾心卽波濤震蕩掉舟就正者雲集

同上

慶雲紹興人康熙五十年間卓錫鑪鎮龍翔寺貌古行高性

安僻靜寒暑枯坐里人逃瘧者撫其禪床病卽愈年七十

餘偶至山門恍然有得書偈而逝鼻垂玉箸數寸其堅如

石

桐鄉巖志

蓮堂雍正間僧不知所從來遇破廟古佛則栖息其中集善

緣以修葺采塑爲事事竟又棄去以餘錢市鯤鮪誦往生

咒放諸水濱卽困而斃者亦嶮噀游去冬夏不履不襪持

咒外不諳內典言多奇中每以諧語出之人遂目爲癡和
尙後示寂于青鎮佑聖宮

同上

篆玉字讓山號嶺雲仁和萬氏子年十七脫白于龍翔寺精
內典通儒家言善鼓琴書法人能品詩筆明秀爲靈隱寺
萬峯山房樾堂和尙法嗣主杭州淨慈寺最久乾隆十六
年德清令李芳榕請住棲水之大善寺是年純廟初幸江
浙制府遴選道德清高十僧迎鑾以備顧問師在其列晚
年還住龍翔三十二年重九日作辭世偈云來無一物去
無一物快活七九逍遙自得卽于是日入滅世壽六十三

同上

烏青鎮志

卷三十五

釋老

十一

達德字越舲烏鎮倩涇寺僧長于詩性極慷慨醫理尤精張
千里贈詩有逸公支遁流神駿軼凡眾靈蘭入室探肺腑
隔垣洞我佛大慈悲要解眾疾痛南陽慨不作古籍塵封
棟斯道有源流一心與貫綜之語其推崇如此弟子知名

者沈成美丁受堂施寅初

耐冷譚雙溪
詩滙並新纂

以上釋氏

元

趙宗道字坦然祖汝哲宋咸淳

文獻
誤熙

間舉進士及第父崇權

仕嘉興路儒學教諭宗道生而穎悟喜黃老言幼與羣兒
戲設俎豆爲齋醮之儀弱冠師事肯堂沈法師博通玄教

精五雷秘法雨暘祈禱無不立效每行齋醮必有鸞鶴降壇之應文宗授住持領崇福宮事至正四年賜號崇真妙應通玄法師十六年又進號大真人卒于崇福宮葬西北

隅有碑誌

李志以
下董志

明

朱混成法師名敬真字道明號樵隱烏戍人行五雷法驅邪

治鬼祈晴禱雨皆立驗能令天將現形

文獻

天香閣文集混成徒數十人獨管一誠朱永輝傳其真訣心性玄修之秘與朱師相埒至今人稱三真人

朱丹霞法師名永輝字景明得混成法師之傳道行法力亦如混成年八十一歲臨終作偈曰八十年來又一年今朝

烏青鎮志

卷三十五

釋老

十二

歸去洞中天包含萬象乾坤窄明月當空處處圓噴了無

一物玄之又玄

同上

潘爛頭前朱廟黃冠也有道術能呵致風雨往來濮川有玩月者不禮潘潘于壁上畫月形以片紙黏之月遂雲翳其

人求潘去紙月皎如故嘗一日召天神至竟無事神以硃

筆點其頭頭爛故人號爲潘爛頭云

桐鄉縣志按文獻謂本廟師弟相承實

無其人而唐之鳳前溪里東嶽廟碑云係在是廟者未知孰是姑仍縣志存之以俟考

姚西巖崇福宮西房道士究心道典善符籙萬曆年間浙西

大旱湖郡守延請祈雨卽日大雨如注田禾霑足歸安茅

鹿門先生贈詩曰君豈華陽洞裏仙風霆萬里掌中懸羽

衣草屨天門過五色龍歸水滿田又有朱涵臺者性純孝
萬曆壬子本師大疾割股煎湯以進疾卽愈添設同知宋
萬略題剗股痊師額贈之又有沈如字元水爲人沉靜慎
言笑動合法度尤工書法摹董玄宰體丐書者無虛日手
錄三教等書裝潢成帙其徒沈冰鑑吳二可等拮据創造

閣貯之

文獻

清

高自昇法師從幼出家崇福宮爲道士雅嗜周易參同契兩
書與人談都非世語皆笑不信也惟奉眞道院盛渠成者
亦通玄教善符籙相知最深獨不以師爲妄雍正十一年

烏青鎮志

卷三十五

釋老

十三

秋苦旱署同知黃圖秘延師偕渠成設醮禱雨青詞甫上
卽雷聲隱隱覺有物蜿蜒雲際少頃大雨如注農民歡慶
因各贈匾示獎

以上老氏

烏青鎮志卷三十五